

7.7.2011

Betreff: Cogongras Drama Update zum Zweiten

ARRRRRG, ich sags euch, hütt han ich mi scho wieder fescht miesse närke! Die Cogongras Gschicht nimmt kei Änd, und unseri Arbeiter hänn nid so wirklich e Plan vo wie duen ich ebbe plane. Hüt kunnt ihne in Sinn, as sie nid könne wieter schaffe, wenn sie nid sofort Cogongras im Wärt vo fascht 500 Frangge bikömme. Das würd jo no goh, denn schaffe sie eifach nid wieter. Aber nei, sie hänn s Dach bereits scho abdeckt, das heisst s alte Cogongras entfärnt und jetzt klafft natürlig e grosses Loch dörte wo Gras sötti si, und momentan rägnets jede Tag mindestens eimol.....super Sach Buebe.

Ich ha nid gnueg Gäld für das blöde Cogongras....also jetzt scho, dr Bsitzer het mir grad die 500 Frangge überwiese. Lustigerwies hänn mir d Buebe, nachdäm ich sie zämme gstucht ha, gseit, jo es würde au Cogongras im Wärt vo 50 Frangge länge für d Afang.....und wieso mir eigentlich immer bstelle, das sigi jo so tür, sie könnte das jo au sälber schniede und trockne und em Bsitzer vom Land eifach e chli öpis zahle. ARRRRG! Me wird gseh, wies wieter goht und ich wird euch uf em Laufende halte!